

明代傳記叢刊・綜錄類④
周駿富輯

皇明泳化類編列傳(三)

(明)鄧球編

明文書局印行

w/75/01

人物卷之五十一

李賢

賢字原德河南鄧州人有才學登嘉靖癸丑二甲第十一名進士授吏部主事歷文選司郎中景泰辛未條正本十策進奏之上詔付外已而給事中李侃等因災異上疏謂賢言忠宜賜採納遂復取入命翰林繕寫之左右禮部尚書楊寧閱其疏嘆曰吾讀崇節儉一事殆欲淚下秋八月擢兵部右侍郎壬申北虜也先遣使來通好固邀我往報言者紛然有旨議脩邊長策賢上言今日禦虜無踰於戰車若漢衛青之武剛車者及其取勝則最便不報既而受命偕姚瑩洪英等分詣兩直隸及

十三省布政司考察庶官之不職者還朝轉吏部右侍郎又錄堯舜而下至於元凡二十二君行事名曰鑑古錄奏之上覽以問中官王誠曰此奏欲何爲誠對曰欲陛下學此數君耳上領之而止英宗復位改元春以吏部侍郎兼翰林學士入內閣典機務尋進吏部尚書兼職如故時年富性頗侃直巡撫大同爲叅將石彪所誣奏繫獄賢言於上曰富行事公道在彼能革宿弊一日上問賢此必石彪被富沮其所行不得遂其私耳賢頓首曰陛下明見真得其情已而廣富果無狀遂令致仕適吏部尚書王翱欲老賢言翱庶謹老成精力未衰吏部非此人不可遂留用上眷翱益篤故一

時銓法清賢一言之力也未幾鄭王薨例汪妃殉葬賢
又懇陳汪妃可憫伏上惻然從之汪遂不殉出居舊王
府是年五月被石亨誣奏詔獄會有天變赦出爲叅政
未行特旨留爲吏部侍郎秋八月復尚書仍兼翰林學
士入內閣辦事時石亨權寵日盛其門客謝詔勸以倣
蔡京招揚龜山故事薦撫州處士吳與弼賢即爲身代
草奏之制口可文淵閣在午門外京文華南舊諸學士
來閣議政止以兩凳東西對坐賢自吏部兼是職欲設
公座如部堂之議彭時力主不可乃止成寅春正月皇
太子出閣讀書上召賢問所宜先賢勸上宜先大學
尚書初景泰間僧徒濫度至是上怠欲裁之賢承旨請

加禁止僧乃散去國初翰林官不拘進士科至景泰間
陳循輩私所舉遂濫以委靡昏鈍浮薄之流至是詔重
修通志凡任翰林者恐不稱此托皆乞外補賢乃言於
上命吏部別除之翰林爲之一清是後非進士起家不
得居翰苑自賢始會昌侯弟有家人行事不法上謂皇
親豈可如此即論家人如法賢頓首曰真主者無私貴
戚爲歛迹上甚留心政事凡奏入皆親決或時與賢商
確因厭曹吉祥等干國事密以告賢賢請陛下
獨斷上曰非不自斷但依之則悅不依便拂然見於
辭色賢曰人君之權不可下移果能自攬彼之勢自消
惟此最爲良法上然之他日上屏左右與賢論及朝政

賢復進曰天下百姓煩安惟有一害上曰何害賢極

言錦衣衛官校差出抄提罪人所至貪求無厭有司不

勝其擾上曰誠有之遂勅不許差左右貴近不悅有

以其事諸公上前者上稍疑復密庶得官校情尤甚於

賢所言者上由是益信賢或謂賢招怨賢曰除此害怨

亦不辭然自是官校氣少戢兵部尚書陳汝言用事議

將雲南兩廣湖廣等處鞭官盡數取回京賢言甚是不

便上曰吾亦悔之後來曹吉祥舉不義皆藉此革始

信賢之先見云時言奪門功者紛紛上一日與賢論及

此事賢深陳奪門二字之非上亦凜然之戎憲春法

司奏石亨輩冒報陞官者俱合查究上怒驚動人心賢

因對曰若朝廷許令自首者免罪事方妥帖上遂行故
冒報陞職者四千餘人皆許自首改正或有議欲追其
支過俸糧者賢復請貸從之辛巳秋吉祥反賢夙爲賊
憾是夜被賊擊傷辛不死吉祥誅進太子少保賢因言
朝廷自張鵬楊瑄具獄後言路閉塞自古治朝未有不
開言路者上悟遂詔天下許言初賢之被賊執也萬祺
在旁謂欽曰尊翁碑文非李公筆邪公忽忘父欽傍首
其兄鐸曰萬君言是也賢遂不遇害壬午陝西官糧通
政司叅議尹旻奏賊退河開軍馬衆大夫民供輸困極
請乞罷兵而議者懼有後警不敢發賢備言罷兵是從
之陝西之民得甦時葉文莊公盛爲兵科給事中有時

名賢素不喜盛且抑之盛巡撫廣東或謔之賢曰盛自負其文嘗訾公文未善賢聽之未幾以韓雍代盛勅曰魚若葉盛之殺降也蓋亦中其讒云賢沒盛始得入禮部侍郎癸未春二月晦空中有聲賢密疏其致災之由及弭災之機以進上大悅復命賢條寬恤事以進賢因疏十事上即詔行時江西織造及錦衣冤獄諸是臣爭獻中外買辦賢請皆當罷上不從賢復奏至數四衆爲賢危上終不以爲忤其知賢之深蓋如此久之爲門達所誣賢嘆曰知足不辱知止不殆古名言也遂乞休上召見諭之曰細故無用介意慰留之甲申憲宗即位加少保兼華蓋殿大學士尚書如故會太監牛玉有罪

爲南科王徽王淵等所奏中官惡之因摘其語以激上怒徽淵俱謫遠州或咎賢不申救賢曰此事何可激也甘露之變黨錮之禍諸君獨不知之時有訴奪門迎駕爵賞者甚衆賢請亟早治之且請復于謙等官以雪幽枉從之成化乙酉會兵書及左都缺時給事中張寧欲起李秉爲兵書王竑掌都察院因以奏草請教於賢賢視草哂之謂寧曰薦人但當言其人可用若預擬某官於事體得無礙乎寧深服之遂易草以進明日批旨以竑爲兵部尚書秉左都御史張寧岳正皆一時名流寧以會六科申救王徽等忤賢正被中傷者僞爲正劾賢草疏賢皆啣之是年四月會推寧堪僉都正堪兵侍郎

賢假托歷練之說條旨寧知汀州正知興化士論惜之
成化丙戌春二月丁父憂詔奪情起復賢乞終制不許
遂入閣視事尋扶父喪還鄉上遣太監林興護往夏
五月襄事還朝時脩撰羅倫上疏力請許賢終制反覆
數千言不報倫遂詣賢私第告以不可賢怒倫內批點
倫提舉乃已時御史陳選上章乞留倫不報尚書王翱
引文彥博待唐介故事請賢留倫賢謝曰潞公市恩歸
怨朝廷吾不可冀竟訕倫是年十二月賢卒贈太師謚
文達嘗觀尹直瑣綴錄載賢爲人恭莊嚴重得時行志
不爲小燕曲諛平居好崇正學能納人言容善類無南
北之分竊觀文達始以斥倫之事長輪相度後有嘲以

詩云九泉若遇南陽李爲道羅倫已復官雙溪雜記載
李賢爲曹吉祥所引入閣其餘于謙也陽用徐有貞策
而賢陰助之又云天順日錄內賢自言助有貞展盡底
蘊知無不言又言有貞素行持公者少及其當道予持
公以助之遠改前輒觀此則有貞誣害于謙之事謂賢
不與謀情乎震澤紀聞云國朝自三楊後相業無如李
賢其得君最久亦能展布才猷然在當時以賄聞亦頗
恣橫廖道南曰予觀天順日錄乃知賢之相業僅有此
耳及觀國史謂徐有貞既去賢獨留被眷英廟每視
朝畢左右顧呼賢與門達語良久乃已時召入文華
有所咨詢言無不從自三楊以來得君未有如賢者然

而海內之士奔走匍匐以干恩澤者紛如獨立不惧惟一羅倫而已於乎難哉

于謙

謙字廷益浙江杭州人舉永樂庚子浙江鄉試登辛丑三甲第九十二名進士幼多智計骨相異常甫七歲僧簡古春曰此子他日掾時宰相也性喜儉約既顯達自奉澹然不改其初授御史持謙論權倖憚之宣德丙午梟駕征高煦罪人既得命謙數其不軌辭嚴義正矢口而成大稱旨遂受知尋巡按江西盜有聲五年秋河南山西二省俱奏災傷建議差大臣往經理之上親署謙兵部右侍郎巡撫河南山西各省巡撫之設自茲始

矣比至綏集有度惠及於民九年滿進左侍郎志益清
勵每入京議事未嘗携土物賄當路汴人傳誦有詩云
手怕磨菰與線香本資民用反爲殃清風兩袖朝天去
免得閭閻說短長以此不理於權貴口王振尤惡之正
統丙寅上䟽舉叅政孫元貞王來以自代振遂疏言官
劾其擅舉自代之罪降爲大理少卿繼而二省之民咸
赴闕懇留仍以少卿巡撫丁卯以外艱去詔起復屢疏
乞終制不允朝廷遣行人汪琰諭祭營葬畢還朝陞見
遂復兵部右侍郎留理部事旣而有母喪值邊事方殷
仍命起視事已巳秋車駕北征遂命謙爲兵部尚書
已而虜酋也先遣使持書至辭頗不順謙度虜情不善

泣於上曰虜賊有長驅深入之勢不可不預爲計請亟遣官分投召募官舍餘丁義勇起集附近民夫更替沿河漕運官軍令其悉隸神機等營操練聽調仍令工部晝夜併工成造戰具京師九門宜令都督孫鑑衛穎等嚴護列營操習以振軍威選給事中御史王竑等分路巡視勿致疎虞徙郭外居民於城中安集毋爲虜所掠通州壩上倉糧不可捐棄以資寇宜令在官人員悉詣關支准作月糧之數實爲兩待上皆嘉納次第行之冬十月朔也先果復大舉入寇人心危動廷議前遷以避之謙獨抗不可與太監金英力主固守之議軍民乃安虜騎薄關謙急分遣五城兵馬司縱火焚燹壩上等處

草束豆料一面奏聞或謂事重何不待報謙曰事有經權今虜在目前若少緩待命適以資虜藉此持久坐困於我非計也是月九日虜薄城下及石亨等出擊虜亦遁去十一月論功加少保時上皇在北虜音問不通庚午春正月七日上皇書至索大臣來迎廷議所遣廷臣皆難其人自此遂不復問上皇矣是年議立京營團練法著爲制八月上皇至自北虜已入塞都人聞之歡然時廷議迎復禮未定千戶龔遂榮獨投揭帖大學士高穀言人心如此禮當從厚諸大臣見者驚異疑不敢進走質之于謙曰進亦無妨時葉盛在兵科聞之嘆曰于公第言使封進亦不妨蓋其意亦持兩端俄而得旨繳